



**R.P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère

Mogvntiæ, 1617

Cap. 19. De pluralitate beneficiorum,

[urn:nbn:de:hbz:466:1-78332](#)

Quarto, quod ea generet scandalum in Dei populo; dum pro vero pastore datur illi falsus, præsertim cum alienum oves non sequantur, sed fugiant ab eo, quia non nouerunt vocem alienorum: ut veritas ait Ioan. 10. sicq; animabus subtrahita pastorali cura, occasio præbetur ruinæ: quod quam si formidabile patet per illud Domini Matt. 18. Quid scandalizauerit unum de pusillis istis, qui in me credunt: expedit ei ut suspendatur mola alinaria in collo eius, & demergatur in profundum maris. Adde quod etiam si populus talem aliquem sibi præfici vellet, non celaret peccati ratio: quia ut habetur in cap. Miramur, distinet. 61. id non est consulere populo, sed nocere: nec præstatre regim, sed augere discrimen.

Postremo, quod per eum iniuria graui afficiatur: tum Ecclesia, cui nihil magis officit, quam quod indigni assumentur in ea ad regimen animalium, cap. Nihil est. De electione: cum is cui, tanquam digno beneficio debetur: ut ipse qui contra ius, fasq; eo defraudatus est: sicut & sacrilegè defraudatur Ecclesia vero pastore ei debito. Quandoquid si sacrilegium est immane, omnium prædonum crudelitatem superans, defraudare Ecclesiam suis temporalibus, aut pauperibus ergoanda subtiliæ, vt ex D. Hieronymo refertur in cap. Gloria Episcopi, §. Amico, 12. quæst. 2. nonne & erit eamdem Ecclesiam, & populum spirituali pabulo indigentem defraudare vero pastore. Alia ad ciudem criminis grauitatem perfudendum accumulari possent: sed si quis ista non moueant, quid mouere possit in hoc genere non video.

Quod attinet ad peccatum quæ tale peccatum sequitur, certum est quoad vitam futuram, esse æternæ damnationis, & grauissimam: tum propter variam malitiam graue, quam continent pater ex dictis: tum propter ruinam, & perditionem animalium multarum ex illa prouenient: quia imputatur tam iis, qui illarum cura commiserunt indignis, quam iis qui indigni illa suscepunt: sicut & submersio nauis, ideo contingens quod huius gubernatio commissa esset imperio, imputaretur tam committenti, quam commissario. Ad quod confirmandum induci potest illud Ezech. 3. Si dicente me ad impium morte morieris, non annuntiaveris ei, neq; locutus fueris, vt auertatur via sua impia, & virat; ipse impius in iniuritate sua morietur: sanguinem autem eius de manu tua requiram.

Q[uod] ad præsentem vitam vero, pena est obligationis resarcendi damnum inde secundum & restituendi fructus perceptos, nisi obtineatur à Papa illorum remissio. Quam restitutionem si incapax promotus ad beneficium non faciat; Superior à quo promotus est, eam facere tenetur: quam participans in iniulta acceptance, iuxta communem doctrinam De obligatione restituendi nascente ex tali participatione. Item Superior qui incapaci beneficium contulit, priuatur potestate conferendi alia, primæ vice, ex cap. Cum in cunctis, §. finali, & ex cap. Cum Vintonensis, De electione. Incapax vero qui beneficium accepit, non tantum tenetur penitire de iniulta accipiente, sed etiam tenetur acceptum resignare simpliciter in manu collatoris ordinarij. Resignate vero alteri non potest: quia resignatio supponit titulum, quem nisi cum eo dispensatum sit non haber in beneficio à se accepto.

Vnde etiam fit quenadmodum attigit Rebus in tract. De pacifici posse, num. 172. ut nequeat id ipsum prescribere per illius pacifica triennalem possessionem. Et ratio est, quia possessio quantumcumque longi temporis non habilitat incapacem, iuxta cap. Causam, & cap. Accedentes, De prescript. & antedicta in precedentibus numer. 179. Quod procedit quoniamcumque laboret quis probabili ignorantia seu incapacitarit: quia ignorantia non dat titulum: adeo ut incapax nullum habeat nisi falsum: & ideo insufficientem ad prescriptionem triennale. Quinimo si cognoscat suam incapacitatem, etiam si ignoret propter eam ius arcere ipsum à beneficio: præterquam quod nullum acquirit titulum, grauiter peccat: quia ignorantia eius, quod ad statum proprium alicius pertinet, non excusat ipsum à peccato.

C A P V T X I X.

De pluralitate beneficiorum.

S V M M A R I V M.

- 275 Casus in quibus licita est pluralitas beneficiorum.
 276 Damna que natæ sunt ex ea sequi, ob que censor esse de iis que vergunt magis in malum, quam in bonum.
 277 Tam naturali, quam positivo, eod[em] tam diuino, quam Canonico iure prohibetur pluralitas beneficiorum curatorum.
 278 Pluralitas dignitatum prohibetur iure tum naturali, tum canonico, non item diuino positivo.
 279 Idem iudicium est de beneficiis exigentibus residentiam.
 280 Quid tenendum sit de pluralitate aliorum beneficiorum.
 281 De dispensatione in pluralitate beneficiorum.
 282 De causis iustis, ob quas eas fieri potest: & quod per tolerantiam Papæ talis pluralitas non excusat.
 283 Non est contra ius naturale habere simul duo beneficia simplicia residentiam non requirentia.
 284 Plura beneficia retineri non possunt ob solam eorum tenuitatem.
 285 Quis censendus sit habere beneficium sufficiens ad suam sustentationem.
 286 Circumstantiae in ea re arbitrandæ considerande de nec sisitare.
 287 Quia non possit consuetudine introduci, ut unus habeat duo beneficia Ecclesiastica.
 288 Quatenus legitime dispensatus ad plura beneficia possit ea retinere post absum in eis commissum.
 289 De eo quipla beneficia tenet à Papa dispensatus sive infra causa.
 290 Monita pro Confessario super hac pluralitate.

VNA est de hac re difficultas. An liceat vni habere simul plura beneficia. Ad cuius explicationem reuocanda est in memoriam distinctione beneficiorum, quam proposuimus in precedentibus libr. 19. cap. vlt. sect. i. sub finem: quod quædam habeant annexam curam animalium in vitroque foro: quædam in foro tantum externo: quædam in interno: quædam in neutro: quorum tamen nonnulla annexam habent dignitatem, seu autoritatem, & honorem præcedendi alii: & nonnulla sint omnino simplicia, id est, nec iurisdictionem, nec dignitatem habentia annexam. Quæ autem sint sive huius generis, sive alterius ex precedentibus, loco memorato notatum videri potest.

Prænotandum est præterea cum D. Thom. in Quodlibet 10. q. art. 15. tria distingui genera actionum humanarum: vnum earum que sapientia natura sunt adeo mala, vt nulla ratione bene fieri possint, quacumq; circumstantia addita, vt mentiri. Alterum earum, quæ sapientia natura sunt indifferentes: ita vt bene vel male fieri possint additis circumstantiis, vt ambulate, loqui. Tertium earum, quæ nec sunt omnino mala, nec omnino indifferentes: magis autem vergunt ad malarum, quam ad bonarum naturam, vt occidere hominem: quod etiæ magis ad malum quam ad bonum vergit: tamen positis aliquibus circumstantiis iuste sancteque fit: prius doceri solet ad 5. Decalogi præceptum.

S E C T I O I .

De modo, quo mala est pluralitas beneficiorum.

Quibus ita notari proponenda sunt, quæ certa videatur. Deinde quæ dubia. Certum ergo videretur primo, plura beneficia simul habere, non esse ita malum, vt nulla omnino ratione id licitum esse possit: vt argumento est, quod sint aliquot casus in quibus sive naturali, sive Ecclesiastico iure communis, tale quid conceditur: quos referunt Sylva. Beneficium 4. num. 3. & Tabiena. Beneficium 2. quæst. 26. alioquin post glossam 21. quæst. 1. in summa. Primus est, cum beneficia sunt adeo tenuia vt neutrū sufficiat ad honestam sustentationem beneficiarii. Intellige autem iuxta distinctionem Concil. Trid. sect. 24. cap. 17. De reform. si utrumque sit simplex, nec residentiam requirat. Secundus est, quando Parochialis Ecclesia est annexa Canonica.

nominatui, ex cap. Super eo, De probabendis, in 6. Tertius est, quando beneficia sunt legitime vniuersa: ex cap. Eam te, De aetate, & qualitate, & ex cap. Quia monasterium, De religiosis domibus. Quartus est, quando alius idoneus, & dignus non inuenitur, ex cap. Clericus in fin. 21. qu. i. Quintus, quando beneficium unum habetur in titulum, & alterum in commendam non perpetuam, hoc est, ad sex menses: quo usq[ue] prouidatur de idoneo, ex cap. Qui plures, 21. q. i. & cap. Nemo, De electione, in 6. Postremus est, quando Papa dispensat. Nam extra praecedentes causas, si rationabilis causa subiicit, potest unus, idemq[ue] pluribus beneficiorum ex Papa dispensatione licere simul habere, iuxta cap. De multa, §. finali, De probabendis.

Certum est secundo, plura beneficia habere, non esse actum ex se indifferentem, sed vergentem prius in malum, quam in bonum, prout D. Thomas exp[re]sse docet loco citato. Et confirmatur: quia pluralitas beneficiorum, si non omnino, at certe bona ex parte repugnat iuri naturali; ut satis ostendunt in commoda, quae ex ea sequi notantur; tum ab ipso D. Thoma, tum ab aliis; præterea a Gabriele in 4. dist. 15. q. 8. art. 2. dubio 2. notabili 3. Soto in lib. 3. De iure, q. 6. art. 3. Rebuffo in praxi beneficiorum, par. 1. tit. De dispensatione ad plura beneficia. Ad undecim autem expressa sunt in Extrauaganti, Ioan. 22. cuius initium est, Execrabilis: quæ licet reducere ad tria capita.

Quorum primum est: damnum quod talis pluralitas infert per diminutionem ministeriorum Ecclesie. Secundum est, damnum, quod ministri idonei cipiunt dum relinquentur ab illis, vello beneficio. Tertium est, scandalum quod datur proximis, mala dispensatione honorum Dei: per quam patet Deo ipsi, & sanctis eius fieri in iuriam: quorum cultus inde minuitur: fieri item Ecclesia, cuius splendor obscuratur, dum ex eo, quod beneficia non datur pro meritis; sed pro cuiusq[ue] affectu, & cupiditate, inqualitas in Clero nascitur: quae est pacis inimica, & inuidia fomes: inducitq[ue] neglegentiam literarum, quam bonorum morum, tanquam inutilium ad promouendum se ad Ecclesie beneficia. Additæ ruinam temporum, & dissipacionem ceterorum ornamentorum externorum Ecclesie, pauperumq[ue] curam nullam.

Fieri præterea in iuriam defunctis, præsternit fundatibus, quibus frangit fides, dum non satistit obligatio[n]i annexæ beneficio; ita ut animæ ipsorum frumenta subfido sibi debito, tardius liberentur à pœnis purgatorijs, diutiusq[ue] suspendantur, ac retardentur à gaudiis coelestibus, ad quæ illos expectat tota coelestis curia: cuius desiderio per sceleratum illam dispensationem plerumq[ue] obseruitur: sicut & pio affectu fidelium viuorum, qui dum vident defunctos sua expectatione, debitisq[ue] suffragiis fructari, retrahuntur à voluntate beneficia fundandi in Ecclesia. Fieri deniq[ue] iniuriam ipsiusmet beneficiariis, qui beneficiorum multitudine fascinari, in negotiationibus, & suppurationibus reddituum, ac litibus toti occupantur, nihil curantes spiritualia. Diuites enim effecti, sium statum, & officium Ecclesiasticum cadem ratione negligunt, quia artifices ditati arte sua, negligunt ea quæ eiusdem artis sunt.

Vnde apparet, quam miserum sit in Ecclesia aliquos beneficis accumulandis perinde inhibere, ac canes famelicos ossibus. Recordentur pluralitatem beneficiorum, ex cap. Quia in tantum, De probabendis, certum animorum periculum continere. Id quod experientia docuit in illo Cancellerio Parisiensi, qui cum morti proximus admoneretur à Gulielmo Parisiensi Episcopo, vt communem aliorum Doctorum sententiam securitus, omnia sua beneficia resignaret, excepto uno: ne cum tanto damnationis periculo ab hoc sæculo migraret; noluit acquiescere dicens se mox experturum an ea doctrina vera esset: sicque miserius, post paucos à morte dies, apparuit predictus Episcopo, & dixit se perpetuo damnatum propter tria, quorum unum erat pluralitas beneficiorum, quæ ultra sufficientiam retinuit. Ita refert Nautar. in Miel. 62. De oratione, num. 3. post Ludolphum 1. part. De vita Christi, cap. 68. & Dionysium Carthusianum in tractatu De pluralitate beneficiorum: idq[ue] ex libro apum:

cuius auctor fuit doctor Dominicus, generis, virtutis, eruditio[n]is clarissimus, vt ait idem Dionysius Cartusianus.

SECTIO II.

De iure quo pluralitas beneficiorum prohibetur.

Certum est tertio, quoad pluralitatem beneficiorum curatorum in particulari, eam prohiberi iure tum naturali, tum diuino positivo, tum etiam canonico. Iure quidem naturali: quia contra rationem est, vt curam speciale habeas gregis, quem nec oculis tuis videare, nec per te pascere possis: quod vñuenit habenti plura beneficia curata, quibus tam non potest simul satisfacere, quam idem pastor duos diuersos greges in diuersis agitis pascer, & ad diuersas caulas simul reducere: aut idem agitcola duos diuersos agros pariter colere. Si dicas huic malo occurrit sufficienter per substitutionem Vicarij. Respondeatur id aduersari cap. finali, 21. qu. 2. atque irrationabile esse, vt Christi Ecclesia, quam acquisiuit sanguine suo, sic curam suscipi: vt velis per alienos oculos illam regere: quod in cura pecoris tua personam commissa non feretur aequo animo.

Itaque adiuerte, quod si onus reddendi Deo rationem pro te, & pro populo tuae curæ commisso, est tibi grane ac formidabile: etiam quando, in te & illo custodiendo, curandoque sedulus fuisti: multo magis formidandum esse, cum adhuc & de Vicarij negligentis rationem redendi onus incurreris tibi: qui gravius quam ille puniendus es, tanquam principialis causa: pro beneficis vero illius nihil interea incredis accepturus; vt pote qui ad ea nihil consuleris, quod te faciat Deo commendatum. Ne quidem illud, quod non alium, quam dignum, tibi substitueris: quia nec id ipsum reprehensione caret; tum ideo quod contra ius retineas beneficium eidem digno debitum: tum etiam, quod Ecclesiam acceptam a te quæsi in sponsam bene doratas; alteri pro dotis parte, quam potes modica, tradis gubernandam, tractandam; ac quasi impregnandam: quod de fera est à ratione alienum, quam si tale quid fieret in matrimonio carnali. In quam sententiam alia videri possunt apud Gabrielem in citato dubio 2. lit. R.

Iure autem diuino positivo prohibetur pluralitas beneficiorum curatorum: non quod Christus aliquid exp[re]sse determinauerit de illa: sed quod per obligationem, quam induxit facienti officia eis annexa, induxit obligationem (de qua in preced. cap. 5.) ad residentiam, quæ non potest simul fieri in diuersis locis. Iure demum Canonico prohibetur per cap. Singula, dist. 89. cap. Sanctorum, dist. 70. cap. Clericis & aliquot aliis 21. qu. i. cap. Quia nonnulli, De Clericis non residentibus, cap. Quia in tantum, cap. De multa, De probabendis, & in supra citata Extrauagabilis.

Certum est quarto, pluralitatem beneficiorum habentium annexam iurisdictionem in foro tantum externo, seu iustitia administrativa: aut dignitatem tantum, seu præcedendi gradum, & honorem, prohiberi iure naturali: quia contra rationem est Ecclesiastica ministeria, & honores pro pluribus ordinatos in Ecclesia, vno tribueri. Etenim alii irrationabiliter priuantur debitis honoribus, ac stipendiis publicis: vnde nascitur perturbatio, & confusio quædam in ipsa Ecclesia: qualis esset in corpore si vni membro aliorum obsequia, & officia tribuerentur, prout traditur in cit. cap. Singula. Ex quo intellige: idem prohiberi quoque iure Canonico: vt & ex cap. Quia in tantum, & ca. De multa, & ex Extrauag. Execrabilis, antecitatis. Iure autem diuino positivo prohiberi non videtur: quoniam talia beneficia iure tantum Canonico introducta sunt in Ecclesiam, ad maiorem illius splendorem, & ornatum, constitutaq[ue] ad gubernationem in ea necessariam.

Certum est quinto, pluralitatem quoq[ue] beneficiorum simplicium residentiam personalem requirentium prohiberi iure naturæ: quia sicut nemo potest simul militare in diuersis castris, ita nec potest simul cantare in diuersis

choris, simulq; seruire in diversis Ecclesiis: & per consequens nec iuste capere alimenta, & stipendia canētibus, aut aliter seruientibus attributa: præsertim cum id faciat in aliorum dānum qui seruire vellent, & possent. Tum etiam iure Canonico, ut aperte constat ex c. Sanctorum, cap. Singula, ca. Clericus, & cap. Quia in tantum, antecitatis. Atq; ex eo, quod talia beneficia personam residentiam requirant, prout habetur ex toto fere titulo, De Clericis non residentibus. Iure autem diuino positivo non prohiberi patet eadem ratione qua de precedentibus. Tantum enim instituta sunt iure Canonico ad maiorem Ecclesiarum splendorem, ornatum, & autoritatem: & ob commodiorem officiorum diuinorum celebracionem ad cultum, & honorem Dei.

280. Ceterum est sexto, pluralitatem beneficiorum simplicium, quæ residentiam non requirunt, quando unum eorum sufficiens est ad beneficiari sustentationem honestam, prohiberi iure Canonico in Concil. Trid. sif. 24. cap. 17. De reform. expresse: & in cap. Sanctorum, distin. 70. & in cap. Singula, dist. 89. tacite. Dubium tamen est, an prohibeat quoq; iure naturali; nam aliqui negant ut Rosella, Clericus 4. num. 20. Sed communis sententia est in contrarium: Pro qua rationes habet Azor in 2. part. Moral. In istis lib. 6. cap. 11. queſt. 5. §. Certe negari. Præcipua vero est, quia quantumvis eiusmodi pluralitas non repugnat tanto per naturali ratione, ac priæcedentes; repugnat tamen absolute. Nam contra dictam rectionem rationis est, ut unus habeat officia, stipendia, & alimenta multorum: ita ut ipso abundant, ceteri egeant.

Vnde in loco, perinde ac in precedentibus, in quibus res est satu clara, per cap. Quia in tantum, De præbendis, peccatum mortale committi glossa penult. ad cap. Dudum. 2. De electione, satis significat his generalibus verbis: Nota quod qui habet plura beneficia, quorum alterum per se sufficeret, non potest sine mortali retinere aliud. Idemque sentiunt cum Panorm. ad cap. Conquerente, De Clericis non residentibus. Sylvestris Beneficium, quarto nu. 2. Angelus eodem verbo, nu. 34. Tabienae eod. item verbo 2. queſt. 24. & Gabriel in 4. dist. 15. queſt. 8. art. 3. dub. 2. à lit. R. Vbi in confirmationem adderit, quod tale quid sit contra caritatem. Tum in Dreum, cuius cultus inde minuitur in ministerio numero. Tum in scipium, quia cum teneatur superflua ergare in pauperes, nulla necessitate copulsus supponit se oneri quod difficile est subire sine periculo animæ: & qui amat periculum peribit in illo, Ecclesiastici 3. Tum demū in proximum: quia ceteri Ecclesiastici digni, ac forte digniores priuantur prouisionibus sibi necessariis: agiturque contra fundatorum intentionem: quæ nequit rationabiliter præsumi, quod fuerit bona sua dare talibus non seruientibus beneficio: ut pote fundato ad Deo seruendum in eo per beneficiatum, pro consequēda remissione peccatorum: ut passim seruatur in omni tali fundatione rationabiliter facta. Hoc tanen, ut iidem authores annotant, restigendum est, ut non procedat, cum alicui collatio facta fuerit, non ratione sui, sed ratione beneficiorum, ut horum utilitati consuleretur: quia ipse industrius, & bona fama, bonaque conscientia le cognoscitur.

S E C T I O III.

De modo quo licita esse potest beneficiorum pluralitas.

281. Ceterum est postremo, extra quinque casus ex Sylve & Tabienae relatos ante numer. 275. in quibus non esse opus dispensatione iidem authores monent, (¶ à iure vel iudice, in illis eam concedi, notat Gabriel in loco cit. lit. Q.) duo esse necessaria, ut quis sine peccato plura beneficia habeat: nempe dispensationem Ecclesiasticam, & causam rationabilem, ex doctrina D. Thomæ, Quodlibeto 9. art. 15. Nam quia talis pluralitas est contra Canones Ecclesiæ, requirit dispensationem: & quia est contra re tam rationem, requirit causam excusancem, seu tollentem illas deformitates quæ reperiuntur in ipsa pluralitate beneficiorum repugnantes iuri naturali, aut Diuino positivo.

Ac circa dispensationem notandum est, Papam posse eam dare in omnibus beneficiis quæcumque illa sint, & cuiuscumque Diœcesis sint, ex cap. De multa, tit. De præbendis, vbi videnda est glossa finalis. Episcopum vero in sua Diœcesi, quemadmodum alii citatis habent Angelus, verbo, Beneficium, num. 38. Sylv. Beneficium, 4. queſt. 8. Tabien. Beneficium, 2. queſt. 26. posse dare dispensationem in uno beneficio curato cum simplici: aut in una dignitate, cum simpliciter beneficio: aut in duabus simplicibus quæ personalem residentiam non requirant: excepto quod dispensare non possit, ut idem in eadem Ecclesia habeat duo uniformia beneficia, ut duos canonicos: prout ex communis Doctorum sententia cum Panormitanus ad cap. Literas, De concess. præbend. iidem authores notant: addentes & duo altaria; seu duas capellas, cum dantur in titulum perpetuum: tunc enim sunt duo beneficia uniformia quæ non possunt in eadem Ecclesia dispensatione Episcopi simul haberet: sicut nec possunt de consuetudine, quæ corruptela potius est, ex ca. i. De consuetudine, j. 6.

Idem vero quod Episcopus potest Capitulum sedevante, ut & Legatus Papæ in prouincia sibi decreta. Cum autem duo simplicia fuerint in diversis diœcesis, debet ad dispensationem accedere consensus alterius Episcopi. Alii Prælati inferiores Episcopo non possunt dispensare, nisi ad id potestatem habeant ex priuilegio, vel consuetudine. Similiter Vicarius Episcopi non potest nisi ex permissione Episcopi. In duabus autem dignitatibus aut in duabus personatibus, vel officiis, aut in duabus beneficiis curias dispensare, reseruatum est Papæ, ex antecitato cap. De multa.

Iam circa iusta causas dispensandi in pluralitate beneficiorum, notandum est dispensationem sine eis facta, illicitam perinde esse, ac factam in voto, aut iuramento: quia similiter est contra obligationem iuris naturæ. Tales cause vero per quas ea redditur licta, non sunt tantum illæ quæ naturale rationis lumen statim dicit: ut euidentis necessitas, vel euidentis utilitas Ecclesiarum, vel penuria ministrorum: sed etiam aliae quæ ratiocinatio, discurſus, humanus iusta esse patet: cuiusmodi sunt prærogativa, & merita personæ, insignis nobilitas, dignitas, authoritas, virtus, ac prudenter, industrie, vel aliqua meritorum in Ecclesiam prærogativa, vel literatura personæ. Quod patet ex citato cap. De multa: & confirmatur per similitudinem dispensationis in voto, aut iuramento: quæ licita est, non tantum in casibus quos ius naturale aperte excipi: ut quando materia voti, vel iuramenti facta est mala, vel impeditu[m] maioris boni, vel quando euidenter fit propter maius bonum: sed etiam in casibus quos excipiendos esse per rationis discurſum intelligitur: ut quando facta sunt ex vehementi passione, vel ex aliqua levitate animi, aut quando dubium est an obligent.

Ceterum caendum est maxime, ne talis beneficiorum coaceruatio, ad priuatum tantum, & non ad commune bonum referatur: nam illicitam esse dispensationem in pluralitate beneficiorum, quando solum sit ob comodum, & utilitatem, vel fauorem personæ, absque alia iusta causa, non videtur dubitandum; cum sit contra ius naturale, & peccatum acceptio personarum, ut quis sine iusta causa, solaque voluntate humana, plura habeat beneficia: præsertim si habeat ad fastu, aut pompa, aut ad laetus, cultiusque viuendum, vel ad augendum patrimonium, aut ad munierendam sibi viam ad aliquam dignitatem; ex Sylvestro Beneficium 4. num. 4. Unde iuxta finem eiusdem cap. De multa, ne quidem a Sede Apostolica, cum sublimibus, ac literatis personis in pluralitate beneficiorum est dispensandum; nisi ratio id postulet: ut certe cum ita exigat beneficij vtilitas, populi necessitas, & personæ prærogativa.



PARS ALTERA CAPITIS.

In qua explicantur dubia de re proposita.

Primus DVbivm Est. An sit contra ius naturale habere plura beneficia simplicia non requiringentia personalia residentiam, si vnum solum insufficiens sit, & simul cum altero sit sufficiens. Ad quod respondendum videtur negatiue: tum propter Concil. Tridentin. quod in sess. 24. cap. 17. De reform. volens tollere peruerisionem Ordinis Ecclesiastici, nascente ex perueritate, quam ratio dicitat inesse pluralitatibus beneficiorum, istud ipsum quo agimus permittit tanquam expers talis perueritatis. Tum etiam, quod ratio naturalis dicit: vt is qui altari deseruit, de altari viuat: vt bene ostendit D. Paulus in 1. ad Corinth. 9. ex quo idipsum viupatur in ea. Cum secundum Apostolum, De prabendis. Vnde consequens est, ratio quoque contentaneum esse, vt serui Ecclesie, possit accipere duo beneficia compatibilia, si vnum ad honestam sustentationem ipsius non sufficiat. Tum demum propter communem vsum: quo sine dispensatione multa eius generis beneficia simul retinentur, à nemine reprehensione, si reditus non sint maiores, quam necessarii sunt ad beneficiarii sustentationem: hicq; officia illis annexa, solus explere possit.

Aduerte autem per rationem memoratam, quod scilicet is qui altari deseruit, de altari viuere debet: sicut conclusum est habentem beneficium simplex insufficiens, posse habere aliud aliud cum quo satis ei sit ad sustentationem: ita etiam, vt notatum est a Soto lib. 3. De iustitia & iure questione 6. art. 3. conclusione 3. casu 1. concludi posse, cum qui habet vnum beneficium curatum insufficiens ad honestam suam sustentationem, posse per dispensationem habere aliud curatum, etiam Episcopatus sit, iuxta cap. illud 21. questione prima. Dum modo tamen vtrumq; tale beneficium possit ab eodem simul administrari, satisfaciendo sufficienter officiis utriusque annexis, vt cum vnum et alterius propinquum. Quomodo teneat Nauarre in M. coll. 63. De ratione. Pius quintus dispensauit cum quadam docto, & bono viro, vt retineret duas Ecclesias Parochiales fere contiguas, quarum neutra poterat ei dimidium vietus ministrare.

Secondus DVbivm Est. An plura beneficia ob solam eorum tenuitatem possint sine dispensatione licite recineri. Ad quod respondendum videtur negatiue: quia pluralitas beneficiorum est iure Canonico absolute prohibita, vt ex supra dictu patet, exceptis aliquot casibus initio capituli propositis, in quibus ius ipsum dispensare censetur. Beneficium autem quantumuis tenuerit, vere est beneficium iure Canonico: vt patet, tum ex cap. Si propone: De rescriptis, cum dicatur mentionem fieri debere beneficii modici quod qui habet dum impetrat à Papa literas, vt ei ab Ordinario beneficium conferatur: & ex cap. Non potest, De prabendis, in 6. cum dicatur dispensationem ad plura beneficia obtentam non prodesse illi, qui in eadem tacuit beneficium, quantumvis modicum. Quare ad pluralitatem beneficiorum, quantumcumque hac modica sit, requiriit dispensatio: quod satis indicatur per illud ipsum dictum capituli Non potest. Et certe si plura beneficia quantumcumq; modica simul vniuersitate non possint absq; Superioris auctoritate, nec simul haberi poterunt, absq; Superioris dispensatione.

Si quis autem queratur si opus dispensatione ad habenda plura modica beneficia, cum non sit ad habendum vnum pingue, illa multis partibus superans: aut ad habenda multa vnitate aequivalencia, aut etiam excedentia. Respondendum est id contingere ob impedimentum, quod in Canonico ponit in illis, non in his. Cuius diuersitatis ratio est, quia plura beneficia eo ipso, quod sunt plura, habent plura onera, plura officia, plures obligationes, plura ministeria: & sunt plura stipendia, & alimenta mulorum: sicque pertinent ad plures ministros: beneficium vero vnum etiam pingue sit, eo ipso quod vnum est, constituitur cum uno onere, uno officio, uno ministerio,

& ad vnuis personae merita pertinet, & vnam obligacionem habet. Item quando vnum beneficium vnitum est alteri, iam non sunt duo beneficia per modum duorum, sed sunt per modum vnius. Neque debet videi onus dum, quo beneficiarius habens beneficium insufficiens compellitur dispensationem querere ad aliud habendum: quia debet sibi imputare quod insufficiens acceptauerit, praesertim cum id ipsum quod ei non sufficit possit alteri sufficere; atq; insufficientia ipsa faciat dispensationem facilem, vt colligi potest ex cap. Studeat, distincte jo, & cap. Postulasti, De rescriptis, & cap. Cum tencamus, De prabendis.

Terti DVbivm Est. Quod beneficium certi posse sufficiens ad honestam Clerici sustentationem. Respondeatur, rem hanc adeo difficile visam esse Nauarrot, & pessime rogatus recularit de ea respondere, vt i se refutatur in M. coll. 62. De oratione: rationem difficultatis in eo ponens, quod Doctores adeo parvam quantitatem sufficere definiunt (qualis est 15. libraum Gallicarum, quam esse sufficientem Doctores Parisienses statuerunt anno Domini 1208. vt meminit ibidem Nauarrot n. 3.) & quibus beneficiariis ad suam sustentationem adeo magnam sibi necessariam esse persuadeat: vt sit difficile medium iustum inuenire, cui ipse facile acquiescere velit. Pro explicatione autem nihil melius occurrit, quia quod Nauarrot ipse docet in seq. n. 5. Beneficium sufficientem censendum esse, quod vir prudens & bonus tale esse arbitratus fuerit: quia iuxta cap. De causis, in fine, De officio delegati: determinatio eorum, que indeterminate à iure statuuntur, relinquitur bono prudenti q; viro, seu iudici.

Cui quid huiusmodi determinare volenti, quædam utilitas est, & quædam necessarium considerare. Inter vilia ponit potest, quod Concil. Trid. sess. 21. cap. 2. De reform. statut, ne quis ad sacram Ordinem promoueat ratione beneficij, aut patrimonii, nisi illud sit ei sufficiens ad victimum honestum. Vnde consequens est illam reddituum quantitatem, quæ sufficiens iudicaretur ad hoc, vt quis ad sacrum ordinem admittatur, iudicandam quoq; esse beneficij sufficientis ad illius victimum honestum: seu ex quo fine penuria viuere possit, quamvis forte non possit comode: ad quod multo amplius requiri de se constat. Pro quo ex glossa ad cap. 1. De statu regularium, verbo Abf. penuria, exemplum habetur, cum dicitur Canonico Bononiensi ad commode vivendum vix sufficere 100. florenos cui sufficienter 25. ad vivendum sine penuria.

Poni adhuc potest quod idem Concil. in seq. sess. 24. cap. 13. De reform. statut, ne cathedrales Ecclesie, quarum redditus summam ducatorum mille, & parochiales, quæ summam ducatorum centum, secundum verum annum valorem non excedunt, pensionibus, aut referuationibus fructuum grauentur. Eo enim indicatur beneficium mille ducatorum sufficere ad victimum honestum Episcopi, & beneficium centum, sufficere ad victimum honestum Parochi.

Inter necessaria vero ponuntur, vt videre est apud Naray. loco citato, conditiones personarum quibus de victimo prouidentur. Non enim quod sufficit ignobili, sufficiens est nobili. Neque quod sufficit nobili gradus inferioris, sufficit nobili altioris Ordinis, vt fratri, vel filio Baronis, aut Vicecomitis: neque quod huic sufficit nobili superioris Ordinis, vt fratri vel filio Marchionis, aut Ducis, nec demum quod huic sufficit fratri, aut filii Regis, aut alterius summi Principis, prout Nauarrot loco cit. notat iuxta regulam ultimam Cancelleriarum. Ponuntur secundo, virtus animi egregia, literatura magna, etiam sine magistrali, seu doctoral gradu, & merita erga sanctam Sedem Apostolicam, aut aliquam Ecclesiam particularem; aut erga rem publica Christianam aliaque iure genus. Ponuntur postremo, si beneficium positum sit extra viam, aut in via si beneficiarius sit complexiois delicate: item mos hominum honestorum regionis in qua situm est beneficium; & caritas velvitatis eorum quæ necessaria sunt ad vitam, & sanitatem conseruandam. Certum enim extractionem postulare, vt pro horum varietate, quantitas varia redditum determinetur necessaria ad honestam sul-

285.

286.

tentationem. Vide antedicta cap. septimo, in explicatio-
ne dubij noni.

Ex iis autem quæ Confessorum importunitate vi-
etus in particulari Nauarr. determinavit, vnum attinge-
mus, quod solum pro documento generali vbiique tene-
ti potest, cetera enim multis locis in usu esse vix possunt. Nempe
ad recte iudicandum quod vnumquod genus pradi-
ctorum Clericorum quotannis egeat aureis nummis ad
se alendum simul cum aliis ad suum ministerium nece-
ssariis: multum iuvare, ut Clericus ipse, de quo agitur, se-
cum reparet quod veller auctos alicui eiusdem secum Or-
dinis, & conditionis dare, ad ipsius vi etum honestum, &
necessarium vnius anni: si ad ipsum decenter alendum
obligaretur ex aliqua ultima voluntate, aut ex aliquo co-
tractu: aut etiam ex pietate, qua ipsi tanquam filio, aut
fratru veller necessaria suppeditare sufficienter. Ceterum
ea in re tanquam apertum animæ periculum continente,
verbandum est cum timore, & tremore: quam enim pe-
niculosum sit pauperes fraudare superfluis, quæ ipsi de-
bent, patet ex eo quod non subuenientes de propriis
iuste posse, æternæ maledictioni sunt obnoxii, ex cap.
25. D. Matthei.

287. **Q**UARTVM DV BIVM EST, An consuetudine introducti possit, vt vnu habeat duo beneficia sine dispensatione. Presupposito autem quod habetur ex cap. finali, De consuetudine; consuetudinem si rationabilis sit, vim habere derogandi iuri humano, non autem diuino. Re-
spondendum est distinctione, dicendo cum in pluralitate beneficiorum, iusta causa datur dispensatio humana, tunc consuetudinem posse eamdem pluralitatem facere licitam; quæ enim vis est dispensatiois derogandi humano iuri, vt Nauar. argumentatur in Miscellano 60. De oratione, num. II. eadem est, & consuetudinis rationabilis: qualem esse contingit in hacre, quando non obstar iuri naturali prohibito; vt censetur non obstat, cum talis pluralitas deformitas corrigitur per interuenientem causam iustam: cuiusmodi est Ecclesiæ, populee necessitas, vel virilis notabilis. Quando vero in ipsa pluralitate non datur iusta causa dispensationis humana, vt in casibus in quibus plura beneficia solum habentur ob bonum, & communum priuatum ipsius beneficiarii, non potest licite ipsa pluralitas introduci consuetudine: quæ tamen quam irrationalis, corruptela esset, potius quam consuetudo.

Vbi aduertere vilitatem, vel necessitatem, bonumve priuatum personæ, quacumque ea sit, non esse rationabilem causam dispensationis: sed vilitatem, aut necessitatem Ecclesiæ, bonumve commune: adeo vt personæ nobilitas, aut eximia prudentia, aut excellens literatura, aut egregia industria, aut recta administratio, vel merita, non sint sufficiens causa dispensationis in pluralitate beneficiorum iure prohibita, nisi redundant in maiorem Ecclesiæ vilitatem, & bonum. Inde est enim, quod in cap. De multa, §. finali, De probandis, non dicatur simpliciter, posse per Sedem Apostolicam circa sublimes, & literatas personas in pluralitate beneficiorum curatorum, personatum, & dignitatum dispensari: sed addendo cum ratio postulaerit, seu cum interuenierit iusta dispen-
sandi causa.

Aduerteretur secundo, Nauarri iudicio causam iustam dispensandi in pluralitate beneficiorum esse posse, vt be-
neficiarius subueniat indigentibus parentibus, sorori-
bus, & neptibus suis ex fratre, siue ex sorore, maxime in-
nuptis, & nupturis. Id quod censetur non procedere, cum inde bonum commune, cui priuatum cedere debet, de-
trimentum aliquod in Dei cultu aut in populi ædificatio-
ne patretur: vt si contingat Ecclesiæ quarum sunt be-
neficia, inde perpetui danni, aut probabiliter perpetuas
quoad reparationem fabrica, vel ornamentorum nece-
ssariorum; aut quoad numerum ministrorum diuini cul-
tus, aut quoad cultum ipsum, & administrationem sacro-
rum. In eos enim fines bona, sunt Ecclesiæ collata a fide-
libus, qui non sunt fraudandi sua intentione.

288. **Q**VINTVM DV BIVM EST. An si quis dispensatus
ad plura beneficia, possideat ea ad patrimonii suraugme-

tum, vel ad famulatum, & alium exterum ornatum non
necessarium, aut ad suorum fastam & pompam; cog-
dus sit in conscientia illam pluralitatem relinquere. Ad
quod respondendum videtur; si dispensatio iuste sit fa-
cta tempore collationis (quia scilicet talis persona obno-
biliterem, vel aliam prærogatiuam visa est digna, cui ad
vilitatem Ecclesiæ, & bonum commune pluralitas ea
concederetur) ac tali modo beneficia plura possidens fir-
miter statuat frater eorum bene, & vt par est, invitus pios
expendere in posterum; ipsum in conscientia absolvi pos-
se, quantumcumq; non relinquat illam pluralitatē: cum
ex hypothesi, circa eam habuerit dispensationem validam.
Si postquam bis, vel ter in confessione firmiter statuit
fructus ipsos possit expendere in futurum, pergit ut ante
male expendere non videatur tunc absoluendus, nisi re-
nunciet eidem pluralitati, quæ illi occasio est peccandi,
male expendendo res Deo dicatas: illumq; exponit prob-
abiliter periculo eadem peccata in posterum reperiendi. Ad
quem casum vt dispensatio extenderetur voluntas di-
spensis nec fuit, nec esse debuit.

SEXTVM DV BIVM EST, An in conscientia possit
absolvi is qui habet plura beneficia, dispensatus à Papa i-
ne iusta causa. Ad quod respondendum videtur, falso
meliori iudicio. Si probabiliter credatur, quod ipso re-
nunciante, ea beneficia conferentur indigno, vel minus
idoneo, & qui peius expenderet tales fructus, quam ipse
non esse in conscientia cogendum relinqueret. Nam tunc
melior est conditio possidentis: itemq; tunc perinde est,
ac si non essent alij idonei. Ex communia autem opinio-
ne per cap. Clericus, in fin. 21. q. 1. cum non inveniuntur
alii idonei, & digni: beneficiorum pluralitas efficitur li-
cita. Vnde talis si firmiter statuat fructus bene expende-
re, absoluvi potest fieri in casu precedentis dubii. Alias
vero, is cum quo dispensatum est sine causa, ab aliquo non
potest habens plura beneficia, nisi contentus uno suffici-
enti, ceteris renuntiet. Nam talis dispensatio non excusat
ab eo peccato, quod contra ias naturæ committitur
habendo plura beneficia: quandoquidem in eo iure,
tanquam diuino, dispensatio facta sine causa, est invalida:
ita vt dispensatus qui illa vivitur, etiam si data fuerit à Pa-
pa, non sit tutus in conscientia.

Aduertereātur, quod Confessarius possit iudicio Sum-
mi Pontificis stare in huiusmodi dispensationibus conce-
dendis, quando ei non constat aperte, nullam subesse in-
stant causam dispensationis: nisi probabiliter de ipso
Summo Pontifice alicund seiret, quod suam salutem
negligat, nec curer quid agat in talibus: quod temere iu-
dicare nefas esset. Adde ex Caet. in Summula, verbis Benefi-
cium, verū si sit tamen: qui Armillia assentitur in eod. verbo
num. 43: Eum etiam cum quo in pluralitate beneficiorum
curatorum dispensationem sine iusta causa dedit Papa,
absoluvi posse, si bene prospiciat bono illarū Ecclesiastum:
ita vt per Vicarios idoneos in eis constitutos, de omnibus
necessariis prouideat: nihilq; illa damnū patiatur. Inde
enim tollitur ea deformitas, qua iuri naturæ contraria est
talis pluralitas: nam illa consistit in damnis que haec se-
cum trahit, vt pater ex dictis sub initium huius capituli
Deformitas vero, qua est contraria iuri Ecclesiastico, tol-
litur sufficienter per dispensationem Papæ, portarem
habentis plenam super tale ius. Non debet tamen in hac
re nimis facilis esse Confessarius, sed considerare, quæ
docet Nauartus in Miscell. 61. De oratione. Vnum est, ba-
bentem beneficium, quod ei non sufficit ad honestam
fustentationem non debere petere aliud fibi sufficiens,
nisi cum intentione prius illud relinquendi quam primū
habuerit posterioris pacificam possessionem; quia cum
sufficienti, non potest aliud retineri sine peccato mortali,
nisi per legitimam dispensationem, vt expressit glossa pe-
nultima ad cap. Dadum, 2. De electione: canonizata inquit
Nauartus à Concilio Tridentino loco post citando. Alterum est: cum iis qui etiam à Papa plura beneficia im-
petrant, non censeri dispensatum ei ipso, quod alia
quæ iam habent, sua petitione exprimant: nisi enim sug-
gerant ea sufficiencia non esse ad decentiam sui status, no
folet Papa concedere alia, non modo expresse, sed nec
tacite.

tacere: iuxta illud in cap. Non potest. De præbendis in 6. Quod cum à Sede Apostolica de beneficio prouidetur alii-
cui, qui cognoscitur iam aliud habere, non censeatur cum
ipso dispensatum, ut cum secundo, retinat primum. Vnde
infert Nauarrus aperte decipi eum, qui post acceptam
aliquam dignitatem, que iudicis prudentis, & timentis
Deum, est ei ad decenter viendum sufficiens, procurat
omni studio, aliquot alia simplicia beneficia sibi confer-
ri, quibus magis affluit: nam id repugnat decreto Conci-
lii Tridentini sess. 4. cap. 17. De reform. Cui adeo recenti,
Papam derogare velle non est facile credendum, præser-
tim cum, in tali procuratione difficile sit abesse detestan-
dum affectum avaritia, vel ambitionis.

CAPUT XX. De incompatibilitate beneficiorum.

S V M M A R I V M.

- 291 Que dicantur beneficia incompatibilis, ac in particulari de
Episcopatu.
292 De dignitatibus Episcopatu inferioribus.
293 De beneficio curato, & beneficio simplici residentiam requi-
rente.
294 De beneficio simplici non requirente residentiam.
295 De vicariatu, & coadjutoria, & alio officio ad tempus.
296 De incompatibili ex conditione adiuncta.

ILIA beneficia in iure Canonico dicuntur proprie in-
compatibilis, quorum unius ex obligatione eiusdem iuri
renunciandum est ad consecutionem alterius. Contingit
autem incompatibilis esse, vel simpliciter, vel ex condicio-
ne adiuncta. Simpliciter vero incompatibilis est, primo
dignitas cum alia dignitate, aut cum beneficio curato, a-
liove residentiam requirenti; iuxta cap. Quia nonnulli,
De Clericis non residen. Itaque Episcopatus incompati-
bilis est cum alio Episcopatu, alia dignitate, alio beneficio
curato, & quoconque residentiam requirenti. Imo cum
quis in Episcopum electus, confirmatus, & consecratus,
pacificam obtinet possessionem; omnia beneficia quae ha-
ber vacante: potestque collator ea statim conferre, iuxta
cap. Cum in cunctis, §. Cum vero, De electione: ubi do-
dores si communiter dicere notat Gigas in tract. Depen-
sibus, quest. 56. Addens idem de promoto ad abbatiam di-
cendum esse: nempe beneficia ipsius vacare post adoptionem
pacificam possessionem abbaticæ. Imo tam ipsum, quam
Episcopum priuari, ut beneficio, sic & pensionibus, quæ
in regnificatione aliquorum suorum beneficiorum fuerint
ipsis alignata, tanquam tenentibus locum eorum
beneficiorum.

Idemque etiam de promoto ad Cardinalatum sentien-
dum esse, merito videri potest: sed totum id pender ex dis-
positione Papæ, qui cum tali plerumque dispensat, ut pos-
sit dignitates Ecclesiasticas regulares, vel facultates habere
in commendam, vel administrationem perpetuam. Cu-
ius dispensatio iuste causa esse possunt: tum alia, tum
dignitas tituli quo qui insigniuntur in omnibus Papæ affi-
stante ex officio, tanquam consiliarij, & coadiutores ipsius,
convenientes cum eo in vnum consiliorum: & vnum col-
legium efficientes cum eo; vt consilio, peritia, ingenio,
industria, ministerio, & opera illorum iuratur. Accedit
quod mores huius seculi ferant, ut Cardinalis non habens
reditus suo statui, & dignitati competentes, nec habeat
multum autoritatis: cui in commido ex bonis Ecclesiasti-
cum prouideat non est à ratione alienum: cum Cardinales
sunt in servitio totius Ecclesiæ: & possint absentes cura-
re ne particularis Ecclesiæ, quatum bona capiunt, inde
patiantur detinutum.

Secundo, iuxta cap. De multa, titul. De præbendis, ab-
baticæ, prioratus sine regulares, sive sacerdotes, personatus,
præpositura, decanatus, Archidiaconatus, ceteraque of-
ficia, & administrationes perpetue, que dignitatem ha-
bent annexam, incompatibilis sunt cum alia abbatia, vel
prioratu, vel quocumque alio beneficio curato aut digni-
tate: ita ut vacet ipso facto beneficium, cum aliud ei in-

compatibile simul accipit pacificeve possidetur: & nisi
illud, sic vacans statim dimittatur in præsentia alicuius
persona publicæ, is qui illud retinet, ipso facto primitur
& eo, & lecundo adepto: sique inhabilis ad sacros Ordines,
& ad quemcumque alia beneficia, per Extravag. com-
munem, Excrabilis, De præbendis, §. Qui vero.

Tertio iuxta Clementinam ultimam De præbendis
dignitas est incompatibilis cum Canonicatu, aut quo-
cunque alio beneficio residentiam requirenti, sive in eadem
Ecclesia, sive in diuersis. Ad quam incompatibilitatem
Concil. Trident. less. 7. cap. 4. De reform. extendit po-
nam citati capituli. De multa: decernens ipsum habere
vnu solum in beneficis curatis, sed etiam in quibus
cumque alius secundum ius incompatibilibus qualia sunt
ea quorum iam meminimus. Adverte autem consuetu-
dinem, que seruat alicubi, & est frequens in Ecclesiis Galliæ, ut
in eadem Ecclesia, dignitas sit canonizatus, non reprobatur a iure:
ut ex cap. 1. De consuetudine in 6. & ex cap. Quia sepe,
De præbendis eodem libro, potest intelligi: sicut illa re-
probatur in eodem cap. 1. tanquam corruptela, qua vnu
simil habet duas diuersas dignitates, aut cum dignitate
personatum, aut aliud officium perpetuum, quod sit be-
neficium.

Quarto, omne beneficium curatum est incompatibile
cum alio beneficio curato, iuxta cap. Quia in tantum, De
præbendis: itemque cum dignitate, vel personatu, vel of-
ficio perpetuo, vel administratione perpetua: ita ut in hoc
incompatibilitatis modo, perinde ac in praecedentibus,
prius beneficium incompatibile vacet per adoptionem
posterioris, iuxta cap. De multa, tit. De præbendis, & cit.
Extravag. Excrabilis, eodem titulo. Aduerte vero, quod
hic de beneficio curato dicitur, intelligendum esse pariter
de Parochiali Vicaria perpetua, ex cap. 2. De officio Vica-
rij, & ex Clement. vnica eod. titulo.

Quinto, omne beneficium simplex residentiam requi-
rens, qualis est omnis Canonicatus, & porro Ecclesia ca-
thedralis, aut collegiatæ, incompatibile est cum alio simili,
& cum beneficio curato, ac cum dignitate, nam ipsum
quoque personalem præsentiam beneficiarij exigit: quam
idem nequit simul exhibere in diuersis locis. Id ipsum au-
tem beneficium simplex, per alterius incompatibilis
adoptionem vacare, consequens est ex eo, quod in Conci-
lio Trident. less. 7. cap. 4. & less. 24. cap. 17. de reform. po-
nam antecitati capituli De multa, extendatur ad omnia bene-
ficia de iure communi incompatibilia: de quorum numero
sunt simplicia requiringentia residentiam.

Sexto, nullum beneficium simplex, quod residentiam
non requirit, est incompatibile cum alio similiter simpli-
ci, iuxta communem opinionem. Et probatur quia incom-
patibilitate beneficia dicuntur, quâd primum illorum post
adoptionem secundi, & pacificam possessionem illius, va-
cat ipso iure: vel saltem per Iudicis officium, aut senten-
tiam vacare potest, aut debet: seu, quod idem est, quia potest
illo beneficio per Iudicem priuariis, qui obtinet pacifice-
que possidet secundum. Iam cum quis obtinet secundum
beneficium simplex non requiringens residentiam, prius eiul-
dem rationis non vacat, nec per Iudicis officium, aut sen-
tentiam vacare debet de iure Canonico, quod nihil tale
statuit.

Si obiciatis: quando vnum tale beneficium simplex suf-
ficiens est ad honestam beneficiarij sustentationem: il-
lud non posse simul haberi cum alio, quia pluralitas in be-
neficiis est contra ius naturale, quando vnum sufficit: ut
iuxta communiores sententias proponimus in praeci-
denti numero 280. Responderet, inde quidem sequi,
quoad ius naturale, & forum conscientie talem pluralita-
rem, nisi interueniar legitima dispensatio, damnabilem
esse: non autem quod ea sit cum incompatibilitate, quæ
ex iure Canonico puniri possit, & debet in foro exter-
no. Esi enim ius Canonicum in ceteris beneficiis, quæ
incompatibilis diximus, non permittat pluralitatem absq[ue]j
Superioris dispensatione, vel iuris concessione, sed mo-
do supradicto puntat in foro exteriori: pluralitatem tamē
in beneficiis simplicibus non requiringentibus residentiam,
non puniit similiter; sed Deo puniendum reliquit. Vnde